

عتاب

ياالله يامعبود تسمع شكوتي
باتت بگلبي من الحوادث عبرتي
يبلاد ياللي مرتع اجناب صرتي
سنين طويله عن المسرات صمتي
بعيون حكام النفط چيف هنتي
مايذكرون سنين عنهم وگفتي
لولا الخميني منتصر چان شلتي
يبلاد لولا بيچ غيرة حرصتي
بيچ الخيانه من قديم ودرتتي
يالي على ثدي الخيانة رضعتي
گبل الملاگة ويا الصليبي انكسرتي
يبلاد بيدچ من يعزچ دفنتي
بختي الرچايب والبلهي ندرتي
هذه جزاتچ حيث كافر حضنتي
تنسين باچر ماسجدتي وركعتي
وتنسين ايضا ما قريتتي وحفظتي
وتنسين ياما من الفضائل نشرتي
يبلاد ياللي بالعقيدة كفرتي
بس عالرذيلة والنكيسة ركضتي
لابن الصليبي واليهودي تبعتي
ياويل گلبي وحسرتي واعبرتي
ياحيف يافيز الرجلولة نكصتي
ياما بزلمچ جيش فارس دهرتي
وياما نهيتي في مواقف وامرتي
وياما خشم وكت اللوزام رفعتي
وياما لابن صهيون بيدچ ضربتي
واليوم عد نوماس دينچ حرنتي
يكفيچ يبلاد الصناديد نمتي
ويكفيچ ماعالضيم مدة مكثتي
وبالخاتمة يبلاد اخر كلمتي
انما طردتي الاجنبي وانتفضتي
ثم صلاتي عالنبي اليه جبرتي
بعداد ما ينفاس رحتي ورجعتي

وبيك استجير من الصدر بيه وسواس
وليلي گضيتو اضرب اخماس باسداس
وسفة عليچه وين ربعچ هل الباس
وامسى فطورچ كاس خوف وصحن ياس
وباعوچ لاصحاب الرذيلة بالابخاس
گبال المجوس وچانت سنين عباس
يضعون عباد النفط فوگ الاوراس
على زعيم جان غانم اومتراس
خنتي باهالي البيت خالين الادناس
ارض الشقاق وبيچ ميله من الساس
واصبحتي لگمة سايعة تحت الاضراس
غيضي عليچه مودع الغلب مجباس
حملچ ثجيل واوصلچ گطع الانفاس
وباچر نهاية مطمعچ يرجع افلاس
ويصير شوگچ للكنيسة والاجر اس
الفاحة وقاف وبرا وصاد والناس
ورچبوا ابطالچ واعتلوا گب الافراس
وثلاثين متچ مشرك وتابع ارجاس
ورا العمايا واهدتچ درب الانجاس
وعفتي الشريعة الجابها سيد الناس
على بلادن ماتحلت بنوماس
وشطيان عزمچ اضحت اليوم يباس
وياما على زادچ هل العوز جلاس
وياما حچيتي والمخاليج خراس
وغيرچ ذليل وعائش بليل عساس
واحرمتي عينه لذة النوم وانعاس
بعتي المراجل والنسا بيچ تنحاس
نومه طويلة انهضي وارفعي الراس
شلتي هموم من الجرى بغير مقياس
ان چان عندچ باجين ذرة احساس
حگچ نصيخة تنصخ العبد والراس
يوم القيامة والمخاليج حباس
بصدر الخلايگ كلها اصناف واجناس

الشاعر رمضان العلي سليمان النقشبندي